

# სიღნაღის მუნიციპალიტეტის საკრებულოს

დადგენილება №10

2016 წლის 31 მაისი

ქ. სიღნაღი

**საქართველოს კანონის „საქართველოს საგადასახადო კოდექსის“ 206-ე მუხლის პირველი ნაწილის „შ“ ქვეპუნქტით გათვალისწინებული შემთხვევის სტიქიის (ქარიშხლის, სეტყვის, გვალვის, წყალდიდობის, მეწყრის და სხვა) ან სხვა ფორსმაჟორული გარემოების შედეგად სასოფლო-სამეურნეო დანიშნულების მიწაზე ქონების გადასახადისაგან გათავისუფლების საფუძვლის ცნობის (განკარგულების) გაცემის წესის დამტკიცების შესახებ**

საქართველოს კანონის „საქართველოს საგადასახადო კოდექსი“ 206-ე მუხლის პირველი ნაწილის „შ“ ქვეპუნქტის, საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მესამე პუნქტისა და „ნორმატიული აქტების შესახებ“ საქართველოს კანონის 25-ე მუხლის პირველი პუნქტის „ბ“ ქვეპუნქტის შესაბამისად, სიღნაღის მუნიციპალიტეტის საკრებულო ადგენს:

## **მუხლი 1**

დამტკიცდეს „სიღნაღის მუნიციპალიტეტის საკრებულოს მიერ „საქართველოს კანონის საქართველოს საგადასახადო კოდექსი“ 206-ე მუხლის პირველი ნაწილის „შ“ ქვეპუნქტით გათვალისწინებული შემთხვევის სტიქიის (ქარიშხლის, სეტყვის, გვალვის, წყალდიდობის, მეწყრის და სხვა) ან სხვა ფორსმაჟორული გარემოების შედეგად სასოფლო-სამეურნეო დანიშნულების მიწაზე ქონების გადასახადისაგან გათავისუფლების საფუძვლის ცნობის (განკარგულების) გაცემის წესი“ დანართის შესაბამისად.

## **მუხლი 2**

ძალადაკარგულად გამოცხადდეს „საქართველოს კანონის „საქართველოს საგადასახადო კოდექსი“ 206-ე მუხლის პირველი ნაწილის „შ“ ქვეპუნქტით გათვალისწინებული შემთხვევის სტიქიის (გვალვის) შედეგად სასოფლო-სამეურნეო დანიშნულების მიწაზე ქონების გადასახადისაგან გათავისუფლების საფუძვლის, ცნობის (განკარგულების) გაცემის წესის დამტკიცების შესახებ“ სიღნაღის მუნიციპალიტეტის საკრებულოს 2014 წლის 3 ოქტომბრის №36 დადგენილება ([www.matsne.gov.ge](http://www.matsne.gov.ge), 10/10/2014 , 010250050.35.168.016134)“.

## **მუხლი 3**

დადგენილება ამოქმედდეს გამოქვეყნებისთანავე.

სიღნაღის მუნიციპალიტეტის  
საკრებულოს თავმჯდომარე

გოჩა ტოკლიკიშვილი

დანართი

**საქართველოს კანონის „საქართველოს საგადასახადო კოდექსი“ 206-ე მუხლის პირველი ნაწილის „შ“ ქვეპუნქტით გათვალისწინებული შემთხვევის სტიქიის (ქარიშხლის, სეტყვის, გვალვის, წყალდიდობის, მეწყრის და სხვა) ან სხვა ფორსმაჟორული გარემოების შედეგად სასოფლო-სამეურნეო დანიშნულების მიწაზე ქონების გადასახადისაგან გათავისუფლების საფუძვლის ცნობის (განკარგულების) გაცემის წესი**

ეს წესი ვრცელდება „საქართველოს საგადასახადო კოდექსის“ 206-ე მუხლის პირველი ნაწილის „შ“ ქვეპუნქტით გათვალისწინებული შემთხვევის სტიქიის (ქარიშხლის, სეტყვის, გვალვის, წყალდიდობის, მეწყრის და სხვა) ან სხვა ფორსმაჟორული გარემოების შედეგად სასოფლო-სამეურნეო დანიშნულების მიწაზე ქონების გადასახადისაგან გათავისუფლების შემთხვევებზე .

## **მუხლი 1**

საკრებულოს მიერ ცნობის (განკარგულების) გაცემის საფუძვლად განისაზღვროს საკრებულოს გადაწყვეტილებით შექმნილი დროებითი სამუშაო ჯგუფის დასკვნა შემდეგი დართული მასალებით:

1. საკრებულოს ან გამგებლის ადმინისტრაციული აქტით შექმნილი სამუშაო ჯგუფის მიერ კონკრეტული მიწის ნაკვეთისათვის შედგენილი დათვალიერების აქტი ( ფოტო-მასალა, სიტუაციური აღწერილობა);
2. გვალვის შემთხვევაში მოსავლის განადგურების სხვა მიზეზის გამორიცხვის მიზნით დაინტერესებული პირის მიერ წარმოდგენილი:
  - ა) ჰიდრომეტეოროლოგიური დეპარტამენტის ცნობა სტიქიის შესახებ;
  - ბ) მიწის ნაყოფიერების დამადასტურებელი დოკუმენტი (დასკვნა ნიადაგის გამოკვლევაზე, გაცემული



ლაბორატორიის მიერ, ნიადაგის ლაბორატორიული ტესტირება);

გ) სასოფლო-სამეურნეო სამუშაოების აგროტექნიკურ ვადებში ჩატარების დამადასტურებელი დოკუმენტები;

დ) მოსავლის განადგურების პროცენტული მაჩვენებლის განსაზღვრის მიზნით ინფორმაცია ჩატარებული საკონტროლო ჭრის შესახებ (შესამღებლობის შემთხვევაში).

3. საკრებულოს დროებითი სამუშაო ჯგუფის გადაწყვეტილებით საკითხის შესასწავლად შესაძლოა მოითხოვნილ იქნეს სხვა დოკუმენტაციაც.

## **მუხლი 2**

პირველი მუხლის მე-2 და მე-3 პუნქტებით გათვალისწინებული დოკუმენტაციის წარდგენის ვადად განისაზღვროს 20 კალენდარული დღე.

